

ANTHEDON Ptol. ibid. vulgò *Larissa*. *Dorotheus* Anthedonensis est in dicto Concilio Hierosolymitano.

ELEVETHEROPOLIS Antonino inter Ascalonem & Neapolim, quibusdam *Hebron* creditur. *Macrinus* Episcopus Eleutheropolis subscripsit Concilio Nicano, & *Gregorius* dicto rescripto.

NEAPOLIS Ptol. ibidem, *Sichem* Hebræis. *Procopius* huius Antistes in eodem rescripto nominatur.

ELIA Antonino Palæstinæ oppidum inter Neapolim & Ascalonem. Teoctistus Diaconus pro Episcopo Eliæ subscripsit dicto Concilio Hierosolymitano.

SEBASTE Ptol. ibid. vulgò *Samaria*. *Pelagius* Sebastes Episcopus subscripsit dicto Concilio. & ante illum, *Marius* Sebastenus Nicano.

PETRA D. Athanasio in epist. ad Solitarios, vbi *Asterium* huius Episcopum nominat, & *Theodori* Petrorum Antistitis memoria est in eodem Concilio Hierosolymitano.

HIERICHO siue Hierichus Ptolemæo. *Gregorius* huius Episcopus subscripsit eidem Concilio.

LIBIAS Ptol. ibid. *Zacharius* Libiadis Antistes legitur in eodem Concilio.

AZOTVS Ptol. ibid. vulgò *Asdot*, & Turcis *Alcet*. *Lazari* huius Antistitis memoria est in eodem Concilio.

ZABVLON Iosepho lib. 2. de bello Iudaico cap. 21. *Heliodorus* Zabulon Antistes est in Concilio Nicano primo.

ARACLIA siue Heraclea Palæstinæ vrbs in limitibus Phœniciæ, Tyri Archiepiscopo subdita apud Guill. Tyrium, olim forte sub Cæsarea, cum huius nulla memoria sit in notitijs antiquis Phœniciæ. *Procopius* Heracleotanus qui dicto Concilio Hierosol. subscripsit, forte huius Antistes erat.

BASCHAT Palæstinæ primæ locus, cuius memoria est in Iosue c. 15. *Gregorius* Baschatanus subscriptus legitur in dicto rescripto Ioannis Hierosolymitani, & Episcoporum Palæstinæ qui sub eo erant ad Ioannem Patriarcham Constantinopolitanum.

ARCHELAIS Ptol. ibid. *Antiochum* Archelaidis Palæstinæ Antistitem habet Concil. Chalcedonense.

PALEÆSTINA SECVNDA

SCYTHOPOLIS Ptol. lib. 5. cap. 15. Nila prius, & *Bethsan*. *Theodosius* huius Episcopus subscripsit Conc. Hierosolymitano sub Petro, & ante eum *Olympius* in actis Concilij Chalcedonensis reperitur.

PELLA Ptol. ibid. *Paulus* Episcopus Pellius subscripsit rescripto dicto.

CAPARCOTIA Ptol. Interpretibus Caparnaum *Demetrius* Episc. Carpatenus pro Caparcotenus (vt reor) in dicto Concilio Hierosolymit. legitur.

GADORA Ptol. ibid. Gadara lib. Concil. & Stephano. *Theodorus* Episcopus Gadarorum eidem Concilio subscripsit.

CAPITOLIAS Ptol. ibidem vulgò *Sunete*. *Theodosius* Episcopus Capitoliadis in dicto Concilio Hierosolymitano reperitur.

MAXIMIANOPOLIS Notitiæ antiquæ Græcæ, & D. Hieron. in locis